

I. N. J.
SCHEDIASMA
HISTORICO - PHILOLOGICUM,
Breves

De
ÆONIBUS
SISTENS
COGITATIONES.

Quas
Consensu Amplissimi Ordinis Philo-
phorum in Regia Acad. Aboënsi,

PRÆSIDE VIRO
ADM. REVERENDO & CELEBERRIMO,
M. LAUR. TAMMELIN

Math. Prof. Ord. & Reg.,
nec non Pastore in Æundo.

Pro GRADU MAGISTERII,
Examina submittit publico & in Aud. Majori,
si DEO visum fuerit, die 11. Junii 1708.

Tueri conabitur

ERICUS FALANDER,
Ost-Bothniensis.

Exc. Jo. WAL.

IN DEUM
ET REGEM

Summæ Fidei VIRO,
REVERENDISSIMO IN CHRISTO
PATRI AC DOMINO,

DN. JOHANNI
GEZELIO,

S. S. Theologiae DOCTORI
Consummatissimo,

Dicæseos Aboënsis EPISCOPO
Eminentissimo,

Regiæ ibid. Acad. PRO-CANCELLARIO
Magnificentissimo,

Consistorii Ecclesiastici PRÆSIDI
Gravissimo,

PATRONO & MÆCENATI SUO
Maximo.

*Canitatem jucundam, Annos multos
et Felices!*

VIRO

Reverendo & Clarissimo

DN. ERICO FALANDRO,
Philosophiæ CANDIDATO di-
gnissimo.

De

ÆONIBUS feliciter disputanti.

JAMNE VALENTINUM cernis minus
arte valere ?

Fraudis detector namque; FALANDER
adest.

Improbitas illi frustra tot secula
condit,

Quot candor Nostro non peri-
tura parat.

Amico veteri & colendo
accineb.

ANDR. PRYSS.

To the
Reverend and very Learned Man,
ERICH FALANDER,
Worthy Candidatus of the Philosophy.
and Chaplain at Gamle-Carleby, my Cousin
and dear Friend, as he was publickly disputing of the **ÆONS**,

Gratulation :

J am very happy to have such a Cousin and Friend, which as soon as he is made a Priest of God, enquired in the ancients hereticks, which are to be understand by the name of **ÆONS**, in which many is much mistaken, especially some of the fathers of the Church. But your learned work make the whole matter certain, wherein you look more to the certainty as to the fables. Of all this i have a great joy, and our friendship, which we have kept from our childhood, obliged my to wish you all happiness and benediction of God in every thing that you are to do. And so my dear Cousin and Friend God my bless you upon your journey for home, to your dear and most Reverend Father : upon your journey in the Church of God which great benediction and many souls salvation : Leastly, my brother, God, the great God of mercy may bless your journey towards heaven in all eternity se wifhet whith all his soul.

Your own servante and Brother,

PETER TIGERSTEDT.

MONSIEUR,

Comme il est une grande joye en ce tems de guerre d' entendre qu' un amy s' a bien distingue dans une dangereuse rencontre , aussi de même est il une extreme joye à moi et à tous vos amis de voire que vous heureusement faites votre combat contre Les anciens Heretiques Les Valentiniens , comme ce savant ouvrage le montre ; Je viens de vous temoigner ma rejouissance la dessus , & sur le saint employement que vous avez dernièrement receu ; je vous souhaite toute la felicité que Le bon Dieu promis ses amis & a ceux qui Lui servent fidelement , comme vous Le feriez par sa grace celeste , je suis

MONSIEUR

*Vôtre tres obligé Serviteur
JEAN GEZELIUS.*

In Disputationem
De

ÆONIBUS,

Viri Reverendi & Clarissimi,

DN. ERICI FALANDRI,
Philosophiae Candidati
& Sacellani in Gamble Carleby
dignissimi,

Fautoris & Amici honoratis-
simi.

אוכנה מתחשכה איתיכא בעלמא
חווכנא כשמייא בעננה שלמא

ANDR. DEGERMAN.

CA.

ÆONES adiunt, PATER RE-
VERENDISSIME, prisca
exuti dignitate deque fictæ
Majestatis deturbati throno, furentes
jam comparent ante ostia Atriorum
TUORUM: Vereor ne a sociis cognoscari.
Aditum mihi iri præclusum, certo scio,
cum nemini dementis turbæ ante hunc
unquam patuerit diem, ni Paternus ille
favor, quo me & conatus meos, nullo
non temporis articulo, amplecti soles,
eundem mihi aperuisset. Sapientes
amas, at præter inscitiam ego & pueri-
lem animum nihil conspectui Tuo da-
re sustineo, humili ergo modo, ut
stolidos ÆONES & impolitam opellam
excipias benigne, orat.

REVERENDISSIMI NOMI- NIS TUI

Cultor devotissimus
E. FALANDER.

Plurimum Reverendo atque Clarissimo
DOMINO

Mag. JACOBO FALANDRO,

Pastori in Gamble-Carleby meritissimo,
& districtus Adjacentis Præposito
gravissimo,

Parenti suo longe honoratissimo,
carissimo.

Pacem & senectutem vegetam.

Specimen in lucem publicam mihi edituro Academicum, obversari continuo deprehendi monitum illud Casauboni Theologi ad filium Iacum Casaubonum: cum primum ingenii fætum criticum, notas scilicet in Diogenem Laërtium, ipsi misisset: Laudò, inquiebat parens, Tuum studium, mi fili, verum hoc scito, rem gratiorem Te mihi facturum, si vel unum dictum sacræ scripturæ difficultatibus aliquibus obstructum explicueris, quam si mille pro-

profanorum scriptorum loca depravata
correxeris. Hinc ne eodem me, Paren^s Ca-
rissime, Casauboni verborum nexus exciperes,
s^e uasit & auctoritas ejus, cuius resistere nului,
mibi, ut probe novisti, semper fuit religio, &
præsens rerum mearum status, ut quod jam
vides feligerem t^hema ac dissertationis argu-
mentum; Accipias ergo hoc munusculum, in-
comeum licet ac impolitum. Non quidem diffi-
teor quin beneficia Tua, inde ab ipsis infantie
annis, in me collata benigne, labore majoris
& ingenii & diligentie postularint: nam ut
non solum essem sed & quod talis sum, qualiter
me jam bodiernum sidus adspicit, tu effecisti;
Ast temporis, qua premor, angustia, cum ma-
teriei sublimitas & denique politioris ingenii
defectus id maxime vetat. Summa ergo & qua
par est filiali precor observantia, ut pagellam
filii tui eo excipias animo, quo ipsum nun-
quam non antea excepisti, & brevi, si Altissi-
mo Numinis visum fuerit, recepturus eris.

HONORATISSIMI DOMINI PARENTIS

Filius obsequentiissimus
E. FALANDER.

Pl. Reverendo & Clarissimo Domino,

MAG. JOHANNI GEZELIO, Pastori
& Præposito in Jacobitad & Pederſtære me-
ritissimo, vigilantissimo, Fautori hono-
ratissimo.

Pl. Reverendo atq; Clarissimo Domino,

MAG. LAURENTIO GEZELIO, Pa-
stori in Wôro optimè merito, Benefactori
certissimo.

Pl. Reverendo atq; Doctissimo Domino,

DN, BARTHOLDO VHAEL, Pastori
in Glmola vigilantissimo beneq; merito,
Fautori obſervando.

Reverendo & Doctissimo Domino,

DN. CHRISTOPHORO Graanqvist/
Sacellano in Eochoo vigilantissimo, Affini
honoratissimo.

Reverendo & Clarissimo Domino,

M. NICOLAO MATHESIO, Sacel-
lano in Pyhälöt meritissimo, Consangvi-
neo carissimo.

*Exercitium hocce Academicum Graduale, ob
benedictionis cœlestis voto in gratissimi*

P.P. R.R. & Rev. No

*Cultor ob
E. FA*

Pl. Reverendo & Clarissimo Domino,

MAG. PETRO PORTINO, Pa-
stori in Pyhäjoki meritissimo, & districtus
Ukloënsis Vice - Preposito attentissimo,
Evergetæ colendo.

Pl. Reverendo atq; Doctissimo Domino,

DN. ABRAHAMO FALANDRO, Pa-
stori in Calajoki longè meritissimo, Patruo
ob Beneficia multa, animi veneratione co-
lendissimo.

Pl. Reverendo & Clarissimo Domino,

MAG. ERICO CAJANO, Pastori
in Eroneby optime merito, Fautori & ami-
co singulariter honorando.

Reverendo & Doctissimo Domino,

DN. JOHANNI WENDELIO, Sacel-
lano in Jacobstad & Pederzöhre periadu-
strio, Affini itidem dilectissimo.

Reverendo & Clarissimo Domino,

M. JOHANNI PIHLFAR / Sacellano
in Eroneby dudum meritissimo, Affini hono-
ratissimo, dilectissimo.

*plurima in se collata beneficia, cum perpetuo
animi symbolum L. Mq; extare voluit,*
minum Vestrorum

Servantissimus

LANDER.

Venerabili & Clarissimo Candidato

DN. ERICO FALANDRO,

Pro Laru Philosophicâ DE ÆONIBUS
disputaturo,

Fautor & Amico sincere dilecto:

Monstra Valentini quis non sopita
putasset,
Ex quo Sol totiens itque reditque
viam?

Ætas nostra tamen, facta infernalibus
ausis,
Sulcitat è cinere, & multiplicata
fovet.

Scilicet hoc Coluber Stygius, sibi con-
scius arcti

Temporis, insidiis usque operatus, agit.
Tu, Juvenum decus, i contra: fraudesque
reclude:

Subque suis larvis fallere posse veta.
Perge dein meritis vitaque referre
Parentem,
Et Patruum: & Patriæ gloria gentis
eris.

Festinus adplaudeb.

TORST. RUDEEN.



CAPUT PRIUS, HISTORIAM ÆONUM BREVI- TER NARRANS.

CONSPECTUS.

- | | |
|--|---|
| §. 1. Introitus. | §. 6. Calliditas & Ve-
fania. |
| §. 2. Æones. | §. 7. Æonum larva &
enumeratio. |
| §. 3. Commentitiis
Æonum fabulis me-
morabilis Valentinus
cujus patria, Nata-
les, ætas. | §. 8. Eisque alia im-
posita horrenda no-
mina. |
| §. 4. Studia, Religio. | §. 9. Valentini secta-
tores. |
| §. 5. Impietas ejusque
progressus. | §. 10. Causa fabulæ.
§. II. Epilogus. |



§. I.
A semper, inde à primis
orbis Christiani tempori-
bus, (ne ab ultima rerum
origine ordiar) exstitit
vafri spiritus versutia at-
que calliditas, ut, qua est animi sag-
A citate

tate summa, vel, qui nomina sua dedere
CHRISTO, deceperit, & ab ea quam
 ingressi sunt salutis viam seduxerit im-
 pigre; vel, qui nondum aquam ex lim-
 pidissimis Israëlis fontibus emanantem
 degustarint, armis, videlicet malitia,
 dolo, astutia contradicendique pruritu
 atque libidine munierit instruxeritque.
 Evidem has adhibet machinas, ut fo-
 res avernique fenestras omnes aperiat,
 ac aditum ad cœlestia Zionis domicilia
 miseris præcludat, atque sic divini ama-
 tores delicii, omnes ac singulos, una
 viribus omnibus omnique studio facta
 irruptione, opprimat ac evertat. Sane
 si integra percurramus secula, proh!
 quanto cum mentis angore, tot nobis
 obvia deprehendemus moliminis satanici
 nocimenta, quot totus vitæ nostræ cur-
 riculus recensere saltim vix sibi pollice-
 ri videtur. Ut v. varia sunt ac callida;
 sic nil nisi auctoris temeritatem, insolentiam
 ac stoliditatem produnt abunde:
 Mihi autem ut christiano in arcana pau-

lulum reipublicæ infernalis inquirenti,
 haud posse, opinor, vitio verti, si, quæ,
 quantum licuit, exploravi, publici fa-
 ciam juris. Itaque distinctionem cu-
 jus tacite circa initium hujus § injeci-
 mentionem, aperte jam producam, ni-
 mirum mala à spiritu hoc nobis illata,
 dupli potissimum ratione esse digno-
 scenda: prout alia sunt *Interna*, *Externa*
 alia. *Interna* vel mores concernunt vel
 doctrinam; Illa sunt, quando iis, qui pro
 ecclesiæ membris haberi volunt, im-
 pium ac detestandum maxime instillat
 vivendi modum, aliosque horum exem-
 ple in peccati ac facinorum pertrahit
 societatem, adeoque efficit ut fidem fa-
 etis abnegent; Hæc v. cum varios illis
 svadet errores, sugerendo jam unum,
 jam plura, imo omnia sæpe fidei capita
 esse non neganda tantum, sed oppu-
 gnanda quoque. *Externa* autem ea nun-
 cupo mala, ecclesiæ ab illis imminen-
 tia, qui extra pomeria ejus degunt, nec,
 quid dulcedinis ex gremio illius captan-

dum sit , percipiunt (a). Hæc si in duas quoque dispescuerim classes, à vero me haud remotum arbitrarer, cum res ipsa id loquatur & antiquissima rerum monumenta, eam mihi quasi sponte tradant distinctionem. Notum quippe est gentium Rectores , & Romani imprimis imperii Cæsares, summo omnique id egisse studio, ut ipsum ecclesiæ veræ nomen in terris penitus deleretur; unde mox Secula Martyrum nobilitata sanguine. Hos phalanx excipit fanaticorum, Gentilium puta, Muhamedanorum, Judæorum aliorumque, quæ fictis hypothesibus, astu , dolo & contumeliis veritatem cœlestem proscindere non veretur. Plura persequi non fert institutum nostrum : si autem ferret, sexcentis, ut ajunt, cujuscunque seculi exemplis stabilire, non esset ire per extensum funem. Cumque tantum animus sit unicum & internum quidem illud historicè solum narrare , & hoc vel illo

(a) vid. *Hæresiographiam Beckmanni.*

illo tempore tentatas fraudes detegere,
D. O. Maximo operam meam impen-
se commendo.

§. II.

Qui historiam rerum in ecclesia à N. C. gestarum pandere, hæresiumque ortarum seriem necesse solent, multa & humanam penitus superantia fidem omnem, quorundam fanaticorum de æiawbus sive Æonibus, ut, permutatis quibusdam literis α, ι, in α, ε, loqui amant, notant deliria. Nam modo Deorum in numerum relatos, modo Angelorum cœtui admixtos fuisse Æones à suis patronis, partim ætati eorum propiores, partim qui aliquo temporis intervallo ab iis fuere distincti, ex ipsis nugatorum scriptis, ad oculum monstrant. In vocis autem æiaw sive Æon natales jam prolixe inquirere nolo, cum hoc opus huncque laborem sequens sibi depositat caput; præmonuisse vero sufficiat, vocabula æiaw, Æon, æiawes, Æones,

in tota hac dissertatione, esse introduc-
mus & tantumdem valentia. Cumq[ue] certissimum est, non omni tempore Æonum floruisse Auctores, indicabo illud breviter, &, quinam intania hac censemendi sunt memorabiles, insimul re-
censobo.

§. III.

Eorum, qui fragmentis Æonum inclare-
scere sategere, Valentino, homini li-
cet in philosophicis exercitatissimo, ve-
saniae tamen labe, mirum quantum, a-
sperlo, principem communi consensu af-
signant historici locum, cuius patriam
atque natales nemo scriptorum sollicitus
fuit ostendere aut celebrare, cum illa
valde fuerit obscura, hi ignobiles. Nar-
rat Epiphanius (b) se per famam ac-
cepisse Ægyptium illum fuisse & quidem
Phrebonitem, quem tamen locum non
uno modo à reliquis efferri scriptoribus
haud difficile observabis; hinc nata com-
men-

(b) Lib. I. contra heret. Tom. II. heret. 3^a

mentatoribus occasio, sua adijcere
scholia & interpretationes varias:
Danæus (c) legendum heic putat Phar-
bæbitem ab oppido Pharbæbito, vel
Pharbæto, cuius quoque meminit Cel-
larius (d). Hæc aliis non arrider le-
gendi ratio: Phabætitem enim eam ad-
pellitat Petavius (e) oram, quam mo-
do Pharbæbiten nuncupavit Danæus.
Hanc ortam inter eruditos litem tantum
abest ut veram suspicemur, ut potius cre-
damus amicam eos inter esse consipa-
tionem: verborum enim aliqua videtur
diversitas, rerum autem mira quædam
harmonia sponte semet prodit; quippe
eundem & Danæum & Petavium indigi-
tare locum dubitandum non est, cum ab
ipsis Geographis, hisce nominibus insigni-
tum esse oppidum illud circa ostia Nili
in superiori Ægypti parte situm, in com-
perto est. Ætas autem Valentini in qua

in

(c) in notis ad Augustinum de baref.

(d) in descriptione Orbis antiqui.

(e) in notis ad Epiphaniu.

inciderit tempora, nondum ad liquidum
 constat, ideoque tanti res videtur inda-
 ginis, ut à me quidem haud possit deter-
 minari; difficultatem quoque auget in-
 gens ille auctoriū numerus; & è numero
 emanans dissensus, ut si unquam locum
 suum obtineat antiquum illud *πολυρύλ-*
λεῖον: *quot capita, tot sensus*, certe heic na-
 tivam quandam sedem sortitur jureque
 occupat: nam unum vix alteri favere, li-
 cet ac mirari convenit. Seculum Apo-
 stolicum eum attigisse & Johanne A-
 postolo adhuc vivente suam disseminasse
 hæresin audet tradere Autpertus (*f*);
 cuius proinde auctoritatem adeo intre-
 pide veneratur Cotelerius (*g*) ut, &
 ipsi Ignatio errores Valentini perspectos
 exploratosque fuisse, asserat. Alii di-
 versa plane incidentes via, in extremum
 aliud semet præcipitant, scilicet ætatem
 fanatici in tempora Concilii Nicæni in-
 ci-

(*f*) In Commentario ad Apocalypsin.

(*g*) In notis ad Epistolam Ignatii Ma-
 gnesiis inscripnam.

cidisse. Refert Eutychius Alexandrinus Patriarcha (b) in concilio Niceno Episcopos 2048 religione & sententia inter se discrepantes, convenisse, & horum in numero etiam quosdam fuisse dicit, qui statuerent, virginem Mariam, CHRISTUM haud quam per novem menses gestasse, verum ipsum per uterum ipsius instar aquae per canalem transuisse; & hanc sententiam Eliani atque ejus sequentium fuisse. Per Elianum heic intelligi Valentinum, in indicibus huic Eutychii operi præmissis Latinum istorum annalium interpretem Pocokium affirmasse, observavit felix ille antiquitatum indagator & consummatissimus Lipsiensium Theologus D. Thomas Ittigius (i). Medium tuentur reliqui; Danæus (k) longa, post mortem Ignatii, annorum serie demum emersisse commenta Valentini copiose

B adeo

(b) In Annalibus suis Tom. I. p. 440.

(i) In appendice ad dissertationes de Hæretarchis Sect. II. C. 5. §. 55.

(k) De Scriptis Ignatii cap. 12,

adeo tamque felici successu defenderat, ut
 confessim Larroquanum (1) in castris
 suis strenue pugnantem deprehenderit;
 quibus suis accedunt suffragiis historici
 fere omnes, tam antiquiores quam qui
 recentis sunt ævi. Ego veritatem inter
 tot sententiarum indagaturus divortia,
 commodissimum eum judico modum,
 quo ad ipsa antiquitatis monumenta fe-
 stinamus, indeque concatenata rerum
 serie retrogredimur. Justinus Martyr
 summus ille Philosophus ac Theologus,
 iis florens seculi secundi annis, quibus
 summa rerum imperii Romani in Anto-
 ninum Pium fuit delata, primum nobis
 in Dialogo cum Tryphone subministra-
 bit argumentum; ibi enim (m) obscu-
 scura minime fit mentio Valentiniano-
 rum, unde facile erit colligere, dementiæ
 ejus initia tum fuisse notissima, hinc Eu-
 sebius

(1) In Observ: ad Ignatianas Pearsonii
 vindicias p. 226.

(m) pag, 253.

sebius (n) scriptor insignis, anno Antonini tertio, seu anno CHRISTI centesimo quadragesimo primo, Valentinum Romam venisse & anno Antonini sexto, & CHRISTI centesimo quadragesimo, pro hæretico agnitum afferit; quamvis in Græco Eusebii texu jam anno tertio Antonini, seu anno C. centesimo quadragesimo primo, Valentino ut propriæ Insolentiae conditori Romæ pellis ovina detracta dicatur, neque hinc abludit Irenæus (o) cujus sic sonant verba: *Valentinus enim venit Romam sub Hygino, increvit vero sub Pio & prorogavit tempus usque ad Annicetum.* Hyginus enim juxta Eusebium anno Antonini Pii secundo seu anno C. centesimo quadragesimo episcopatum Romanæ ecclesiæ suscepit. Quorum rationes me eo felicius sequi confido, cum & reliqui Chronologorum parum vel omnino nihil ab

B 2 hoc

(n) In Chronico editionis Schaligeriana pag. 168.

(o) Lib. 20 cap. 4.

hoc Eusebii recedant calculo, & illi fide
sint dignissimi. Ceterum controversiam
illam Calvisium inter & Dodvellum ve-
hementer, de anno Hygini Episcopatus
primo, agitatam, meam hac occasione
haud facio; & facerem sane, si spera-
re potuerim, inde quid luminis opellæ
meæ accessurum. Interim L. B. ad lau-
datum Ittigium & c. l. remitto.

§: IV.

Quemadmodum scite alicubi differit
Cicero : *vita sine studiis, nulla est
vita dicenda*, sic observamus, etiam Va-
lentino curæ fuisse, ut per labores ac
vigilias, in celebri musarum aula, ad
amplissimos evehetur honorum gra-
dus; etenim tradit nobis historia litera-
ria, eum inde à primis infantiae annis,
pectus suum, variis præceptis ac scien-
tia rerum tam divinarum quam huma-
narum, forti ac constanti animo, mu-
niisse; quo factum ut insignem, teste

Ter-

Tertulliano (p) in schola Platonica, Aristotelica & Pythagoræa, nec non Poëtarum Hesiodi & Stesichori meruerit lauream. Hæ enim Alexandriæ, circa idem tempus, Philosophorum sectæ exultæ feliciter florebant. Religionem viri quod attinet, orthodoxæ ipsum fuisse addictum & propugnatorem ejus egisse strenue variis rationibus evicit Philastrius (q). Verum successu temporis desertis bonorum omnium castris, in propria sævire cœpit viscera, opinionemque venenis abundantem, audacter ac temere uti mos est malevolorum & furentium, in vulgus spargere non dubitavit.

§. V.

Ejurato sic omni pietatis sensu, inque Exilium quasi proscriptis virtutibus singulis, confessim, quale erat ingenium viri, quid ve monstri animo alebæt

B3

ac

(p) de prescript. cap. 30. contra Valent.

(q) Lib. de heres.

ac moliebatur, innotuit, defecum namque
 & inopiam virtutis nobilissimae, exceptit
 ingens vitiorum abundantia, ubi impie-
 tas & numinis contemptus, grande il-
 lud scelus primum sibi vindicans locum,
 tantas tamque altas jam egerat radices,
 ut principia illa generalia, quae a Philo-
 sophis communium notionum, notitiæ
 innatae ac communissimorum axioma-
 tum nomine insigniuntur, penitus ex-
 stincta credas; adeo ut persuasio illa, de
 existentia summi *Entis*, in cuius perpe-
 tua quasi possessione totum genus hu-
 manum nunquam non fuerit, nequireret
 frigidum hominis cerebellum compe-
 scere, quin notam, proh pudor! Athei
 incurreret gravissimam. Et sane, si di-
 cendum quod res est, haud assenserem
 rer, eum everorem esse ac destruc-
 rem religionis omnis, justitiae ac hone-
 statis, si modo constaret ac veritas pa-
 teretur effari: *in rerum natura existere*
quoque Atheum theoreticum. Ast vetante,
 hoc rei indole, practicum eum appelle-
 lasse

laſſe & insignem quidem, contentus ſum,
 Quanta autem dementis fuerit rabies,
 vel hinc colligas, quod in divinis tri-
 ginta comminicens ſecula, ex quibus
 totum hoc universum conditum ac o-
 riginem ducere ſtaturebat. Et quam-
 quam valde monſtroſa fuerint ejus com-
 menta, avide tamen & benigno adſenſu
 excepta à nonnullis, furture & quisqui-
 liis paſci cupientibus, videas; eſt enim
 ea communis mortalium labes ac quaſi
 contagio, eorum inprimis, qui con-
 ſtantiam nunquam didicere, ut quibus-
 cunque novaturientium affurgant næ-
 niis, iisdemque delectentur valde.

§. VI.

Captis ſic quorundam animis, felicio-
 ri conatu, ut putabat (ſtipatus quip-
 pe ſatellitum multitudine) impietatem
 calliditati & artibus magicis annexam
 ſe promovere credidit, ſi, nil tale me-
 tuentes, turpissima insidiarum fraude
 circumveniret. Itaque cum in Ægypto,
 0938 I ar-

arabite, prosepite, arsenoite, thebaide
 & inferioribus regionis maritimæ parti-
 bus, nec non Alexandrianopolitæ præ-
 fectura, suis errorum barathris involu-
 tos perdiderit quamplurimos, in Italiam
 se contulit, virus quam potuit latissime
 diffundens. Hinc Galliam adibat, qua,
 teste Irenæo, peragrata, tandem, co-
 mite indivulso Marco, homine ejusdem
 nequitiae ac temeritatis, in Syria pedem
 fixit, ubi haud exiguum mortalium nu-
 merum ad summam mentis mileriam
 adegit. Valde hominis detestatur stoli-
 ditatem Irenæus, dum fœminas narrat
 Rhodanusias, per libidines, quas exer-
 cebant hi nebulones, esse seductas. Et
 quis non mentis suæ gaudens usu, faci-
 nus adeo atrox ac inauditum deteste-
 tur, cum legat eos philtra fœminis ex-
 hibuisse magica, quibus accensæ, illis
 sese obnoxias reddebant. Philtri hujus
 magici naturam optimè exponit Poëta:
*Philtra nocent animis, spernque furoris
 habent.*

Taceo

Taceo jam reliqua eorum nefanda molimina; horret enim animus singula literis prodere; & sane si omnia illorum infaniæ indicia ex antiquissimis rerum monumentis protraherem, à reprehensione me haud alienum judicarem. Relictis igitur nugis, suis Auctoribus, quæ alicujus sunt momenti, adque tricas eorum detegendas faciunt, afferam. Summa apud Clementem Alexandrinum (r) jactitat Valentinus arrogantia, usum se fuisse præceptore Theodate, familiaritate cum Paulo nobili, imo prima in schola Apostolica didicisse rudimenta, improbo capiti pudor non erat asseverare. Certe haud alias magis mira ejus prostat calliditas: videbat enim sua tum receptrum iri dogmata, cum svadere iis valueret, auctoritate duum sancti Spiritus virorum esse illa comprobata, quid? quod assertis vim atque robur, testimonii divinarum literarum addere studenti, irritus rei eventus fur-

C

pi

(r) Lib. 7. fol. 764.

pi admodum ratione elusit; quorum si vel unicum & ei palmarium maxime, in medium proferrem, mirareris profecto hominis temeritatem in corrumpendis scripturis. Verum sordidos Valentini argumentationis nodos, jam vel solvere vel eludere nostri non est instituti.

§. VII.

Verbo saltim & in genere superioribus §§ tetigi monstrum, ac impietatis injeci mentionem: jam ne habeat quod reprehendat LECT. BENIV. scilicet dictorum me nullam adferre probationem, ad specialia descendam, ac veritati historicæ maxime consona esse haec tenus prolata, quo opus est argumentorum pondere, demonstrabo. Triginta quos sibi fingebat Deos & secula, in Ogdoada, decade & dodecada distinctos per conjugia disponebat, ratus inter Deos quoque fœminas dari. Hoc vero modo atque ordine unum ab altero generari communicer asserebat:

Pri-

Primo loco βυθού seu profundum ut patrem omnium collocabat, cui modo ἐνοιαν intelligentiam modo σιγὴν silentium associavit. Ex intelligentia patrem hunc duos tulisse liberos, νῦν mentem & αλήθειαν veritatem insolenter fingebat. ne quoque memoria deesset nepotum, νῦν & αλήθειαν mox procreasse λόγον verbum & ζωὴν vitam; hos vero ἀνθρώπου hominem & ἐκκλησίαν ecclesiam splendide mentebatur. Hic sunt ex mente eorum qui ordinem primum ogdoada absolvunt. Hos in tanto tamque excelso divinitatis constitutos fastigio, non est ut steriles fuisse credas; tradit quippe ipse Θεονum fabricator impudens, Verbum & vitam, productis homine & ecclesia alios decem progenuisse, quos recenset Irenaeus (s) βύθιος καὶ μίξις, h. e. profunditas & misericordia, ἀγέρασι τὸν εἰναστις h. e. senis expers & unios ἀνθροφυὴν τὸν ἄδωνην, h. e. a se genitus & volupsum, ἀσίνητον τὸν σύνκρεστις, h. e. immobilitas & commissio: μονογενῆς τὸν μακαρίαν, Unigenitum.

nitus & beata. Quos denique numerum
 duodenarium impleturos finxit, eos ab
 homine & ecclesia in lucem editos hoc mo-
 do reliquos inter Άones seu eorum
 maiores referebat: παρόκλειστοι πίστις,
 h. e. advocatus & fides: παλαικός καὶ ἐλπίς,
 h.e. paterius & spes: μετεικός καὶ ἀγάπη. h. e.
 maternus & caritas, ἀνὰς καὶ σύνησις, h.e. per-
 petua mens & intelligentia: ἐκκλεσιαστικός καὶ
 μακαριότης, h. e. concionator & beatitudo,
 Θελητὸς καὶ σοφία, h. e. volens & sapientia
 nugae! sic conficiebat numerum triginta
 Άonum vel Syzygiarum quindecim ex
 maribus totidemque fœminis conjun-
 ctis; quos invicem commisceri atque
 gignere, eadem plane qua uxorem &
 maritum ratione, mirabile istud caput
 existimabat. Magnos nil nisi magna de-
 cent; Dii fuere, ideoq̄, ubi tantus Nu-
 minum conderetur fulgor, locus mini-
 me obscurus ac ignobilis esse potuit;
 unde factum, ut vastissimum quoddam,
 procul ab hisce inferioris mundi regio-
 nibus dissitum spatium: quale hebetudo

men.

mentis humanæ haudquaquam ulla ratione capere valet, assignaverit, & ob magnificas celebresque Deorum ibi exstructas ædes ac erecta domicilia, pleroma seu plenitudinem adpellaverit. Possem certe & libens vellem, omni & labore & studio in eruendis fanatici deliriis, supercedere, ni lepidum adhuc superefflet Valentini commentum : quod Anomus quidam (1) ex voluminibus Patrum superiori anno depromens in lucem edit publicam ; narrat enim is, somniasse Valentinum , unum Deorum vix five mentem immensa accensum cupiditate celebrandæ magnitudinis Bythi , communis omnium parentis & scaturiginis, reliquos eo quoque compulisse Æones, ut vehementer ac pari cum ipso delectati sint desiderio ; imprimis ultimum obtinentem locum Sophiam , quæ fœminei erat sexus ac effræni quodam tenebatur amore Vilendi Propatoris, quod vero

cum

(1) in historia Symboli Apostolici, c. 2. § 45.

cum sibi vix concessum iri sperabat, tristitia ac mœrore affectam materiam informen peperisse, &, ne partu alio ac fœdiori jucundissimum Deorum macularet spatium, copiam ei factam voluntati obsequi. Ast viso Bytho, adeo attonitam fuisse ac consternatam, ut pleromate eam excidere necesse fuerit atque dissolvi, nisi Bythos ejus tactus misericordia, certam quandam potentiam, quam horon vocat i.e. circulum vel limitem ac terminum, emisisset, quæ pleroma, quod incolebant Æones, ambiens, quo minus eo excideret sophia, impedit; materiam vero informem partu editam in infinitum proijcissem vacuum, in quo mundus postea conditus fuit. Obvia jam heic esset differendi occasio, quid sophia hacce intenderit Valentinus ejusque prole nimis deformi; verum cum aliis videatur fori, lubens disquisitionem illam eruditis, qui que majori harum rerum scientia sunt instructi ac muniti, relinquo.

§. VIII.

Ex Tertulliano aliisque scriptoribus
vetustis evidentissimum est, Valentini-
num cum Gnosticis insignem quandam
sibi insolenter attribuisse scientiam, cu-
jus rei manifesta satis prostant indicia,
etenim praeuentibus iis, in similes &
haud raro sordidiores errorum abyssos,
non gradu sed præcipiti cursu, ruebat;
quid? quod ne quicquam rabiei abesset,
ridiculis Syzygiis alia ab ipso superin-
ducta sunt nomina, in hunc procul du-
bio finem, non ut posteritas ea intelli-
geret, sed stupendam ejus inveniendi
miretur felicitatem. Eos ergo, quos §.
præcedenti recensui Valenti Triginta Æ-
ones, alio modo sic appellabat: Ampsiu
(responderet hic Bytho primo omnium
parenti) Auraan, Bucua, Thartuu, U-
bucua, Thardeadie, Merexa, Atarbarba,
Udua, Cesten, Uduac, Eslem, Am-
phaim, Eslumen, Vananin; Lamertade,
Athamefumin, Allora, Cubiatha, Tha-
mo-

modan, Saddaria, Oren, Lanaphecu-damphek, Emphiboche, Bara, Assi, U-chame, Belin, Dexariche, Masermon; Dii solo nomine horrendi !

§. IX.

Exstincto Valentino, tantum abest, ut sopitas existimes nænias semel in scenam productas, ut potius cum animi quodam mœrore, eas à sequacibus flagitiosis ac temerariis defensas ac propugnatas deprehendas. Ubi observari me retur, quibusdam diligentiores quandam mansisse commentorum Antesignani custodiā : alios vicissim ab iis nonnihil dicessisse, haud aliter ac olim in Platonem recalcitravit Aristoteles ; Nonnullos iterum figuratis additis, Doctorem suum superare voluisse, atque sic ingetii acumine inclarescere feliciter. ridiculum ! Penes eos, quos mihi & videre licuit & per volvere historicos, enumerantur : Ptolomæus, Secundus, Heracleon, Marcus, Colarbalus, Bassus, Flo-

Florinus, Blaftus, Bero & alii, qui è Schola Valentini adeo turpi scientia celebri, prodiisse dicuntur. Horum placita indeque fluentem colluviem, imperata brevitas, temporis Angustia & festinatio summa verant, uti par est, perstringere. Nec operæ pretium adfore arbitror, cum hodie vix aliquem in Christiano orbe invenias locum, ubi ejusmodi machinamenta vel amplectuntur mortales vel tuentur, adeoque & omni memoria ea censeo indigna.

§. X.

IN monstrosarum Valentini opinionum jam inquirere causas, jubet à me in præsenti themate recepta methodus. Heic si promiserim me ostensurum fore, non unam tantum, verum plures quam maxime ei dedisse ansam ejusmodi protrudendi flosculos, certe onus humeris ferendis haud impar credas impositum. Ne vero vana me effutire & jaētantia verborum futili garrire judices, fidem

D sta-

statim liberare studebo. Qui acuriori
 mentis acie aliquantulum inspexerit
 erroris Valentini causas, is facile videbit
 eas duplicis esse considerationis, scilicet
remotas ac propinquas. De remota jam in
 introitu hujus capitum egi, superest tan-
 tum ut de propinquis pauca differam.
 Ætati hujus scriptores proximi, uno
 omnes fatentur ore, stolidam viri ar-
 rogantiam, primam stravisse viam ad
 errorum abyssos, adeo enim elate se ges-
 sisse constat, ut nullius Episcoporum
 magnam sane ecclesiæ gerentium agno-
 verit curam; hinc ipse magno prorsus
 nisu Episcopatum sibi acquirere studuit;
 cuius obtainendi, cum omni excidisset
 spe (alius enim ex martyrii prærogati-
 va istius erat potitus) ab orthodoxorum
 se se cœtu ac partibus sejunxit, manifesta
 mox hæreſeos suscepτæ, teste Tertullia-
 na (n), prodens indicia. At si quæ-
 sieris quid subest causæ, quo minus &
 is Episcopatus honoribus possit admo-

veri,

(n) contra Valente. cap. 4.

veri, cum, teste eodem Tertulliano (x),
& ingenio poterat & eloquio? Respondeo:
præterquam quod studiosus erat insolentiae,
etiam libidini indulxit homo; refert
quippe Damascenus eum honestæ
cuidam virgini intulisse stuprum, qua-
mobrem à patre tum Episcopo pii zeli
pleno, communione sanctorum est eje-
ctus, atque sic amissa omni in ecclesiam
redeundi libertate, minas evomuit im-
pudens: ἐγὼ γίνω τὴν ἀκκλεσίαν, se
Schilma in illam missurum. Alteram
erroris Valentini genetricem, si studium
nimiumque amorem sectandi veteres
Gnosticos & libidinem jurandi in verba
Philosophorum, Aristotelis ac Platonis,
dixerim, a veritatis tramite me aberrare
haud putarem. Gnosticos quod concer-
nit, res est evidentissima, nec aliquem,
qui primis, ut ajunt, labris, dilicias hi-
storiæ tam literariæ quam ecclesiasticæ
degustarit, latet, voluisse illum ejusque
sequaces tanta tamque insigni gaudere

D2

re-

(x) vid. c. l.

rerum scientia, ut nemo unquam mortaliū ad eum eruditionis gradum evenetus sit, nec evehi possit; hinc quoque nomen sibi dedere à γνῶσει scientia. Quid mirum! eam enim ii scientiam vocabant, quæ nugas ipsis propinaret Platonicas; ideoque eruditis omnibus illi sunt Gnostici, qui Philosophiam Platonicam & pythagoricam, sive Scripturis veteris Testamenti, sive Evangelio Christi admiscent, aut qui doctrinam in divinis literis revelatam secundum Philosophiæ Platonico-Pythagoricae placita refingere audent, non vero potius Platonem & Pythagoram subiucere fidei decretis; Jam igitur ostendendum Valentīnum Gnosticorum sequi castra: res facilis est; adest enim Epiphanius, qui apertissimis verbis, hunc in modum, de illo loquitur ac ejus asseclis (γ): Valentiniā vocantur, et si eo nomine dici nollent: mallent adpellari Gnostici; id enim nominis sibi affingunt. Platonicae Philosophiae Valentīnum nostrum Ale-

(γ) Lib. I. Tom. II. heres. 33.

Alexandriæ dedit esse operam, supra in-
nui, eumque ab orthodoxa jam defe-
cisse doctrina, ad eandem ejusque for-
des ac nugas, pari modo evictum est.
Quid ergo obstat, quo minus amicè
mecum conspires? De Platone ejusque
Philosophia ac inde fluentibus deliriis,
eruditum exposuit opus Colbergius (a)
qui ex professo demonstrat, Platonem
omnium hæreticorum condimentarium
esse. Hæc de Platone ejusque sufficient
Philosophia; jam ad rostra Aristotelis
festinandum: nam eliminato ejectoque
Platone, omnes Scholas atque Acade-
mias Stagiritæ occupasse placita, quis
ignorat? Ex quibus multas deinde or-
tas esse hæreses, imo & Valentino no-
stro ansam somniandi præbuuisse, osten-
surus, jam, distincta argumentorum se-
rie, in arenam descendo. Ne vero An-
dabatarum heic videar dimicare mo-
do, qua in re status controversiæ ac car-
do consistat, mox indicandum erit. Non

adeo veritatis meique ipsius immemor
 sum, ut assenseret sustineam in Aristote-
 lis Philosophia nil nisi falsa, absurdā &
 rite philosophaturo indigna maxime,
 obvia esse, absit! sed digitum vel in ipsum
 Aristotelem ratione sua in quibusdam
 minus bene utentem, vel ejus sequaces
 Philosophiam in pessimum convertentes
 abusum intendo. De illo res evidens est:
Nam aliud præter rationem humanam
 eum non agnovisse principium, passim
 obtervant eruditii, hinc quæ cum ejus
principiis, axiomatibus, definitionibus, cano-
nibus ac præceptis minus convenire vide-
 bantur, ut detestanda rejicit ac turpia.
Certe si non hic, nescio quis tum Philo-
sophiæ erit abusus? non enim amplius
 instar ancillæ munus ad nutum heræ
 dominantis exsequitur, in thronum quip-
 pe sedemque regiam temere profiliit.
 De his longe evadit clarior: quæso, di-
 cas quo modo quaque ratione, tempo-
 ribus Lombardi sententiarum istius Ma-
 gistri, (longius enim retrogredi non lu-
 bet)

bet) & sequentibus disputatum est ? Nonne, articulos fidei probaturi, quæstionesque decisuri theologicas, rationes philosophicas atque auctoritates Aristotelis præmisere verbo DEI & literis divinis. Sic dominum Aristotelem non æquis sequitur passibus Dominus Israëlis. Audias Philosophum ex recentioribus acutissimum (b) non me contineo, inquit, quin referam, quod relatu tamen impium est, sed ex quo dominium Philosophie in Theologiam nimis quam clare videre est. Cum ante annos preterpropter centum in Parisiensi Academia res sacrae disputationis incudem subirent, ac calide disputationerentur, quotiens ex sacris literis divinis allegaretur inter opponendum textus, promptus erat ac paratum effugium, Christianis auribus ac ore indignum : Spiritus Sanctus in verbo DEI, captui se plebejo attemperat, familiarius loquitur ac simplicius, ET (borresco referrens) sacrae literæ instar nasi cerei, quovis flecte possunt ac traduci. Verum quotiens sacer Aristotelis sextus adduceretur, tobiens perturbabat.

(b) Heerebord pag. 256.

bati omnes stare ac perculti dispicere, veritati
 Theologicae & divine, ut profanum concilia-
 rem Philosophum. Credas tum sudatum
 fuisse ac laboratum, haud aliter, quam
 si Hannibal ante portas. Audiebatur ex
 Sorbonistarum pulpitis ac personabat
 hæc vox: *Nemo Theologus evadet sine A-*
rיסטotele. Socinum & qui ejus hodienum
 lingunt sputa, quis nescit eo efferre ra-
 tionem, ut substellia occupet prima ac
 sceptrum reginæ suæ jure eripiat manibus,
 sic in Philosophia tale ponunt funda-
 mentum, quale nil nisi nocumentum
 est in Theologia gravissimum, cudent
 dogmata, fingunt opiniones, defendunt
 sententias, quæ semina sunt & occasio-
 nes & causæ errorum. Si jam his tempo-
 ribus, tantum obtinuerit dominii schola
 peripatetica, quibus artes ac studia quasi
 renasci, è tenebris in lucem prodire &
 Philosophia Aristotelica paulatim per re-
 formatores eliminari ac proscribi vide-
 bantur, quid dicendum de seculis primis,
 cum Philosophia illa magnifice floruit?

Jam

Jam ad Valentiniū redeo ac audacter
 quidem affirmo eum inde suos mutuatū
 fuisse nævos. Non negaverim potuisse
 illum rite uti ea, sicut ex floribus & mel
 & venenum carpunt apes; verum hæc
 non fuit ejus intentio, sed potius ut
 illinc aculeata & contorta hauriret lo-
 phismata, ac omnibus Antesignanī
 sui infisteret vestigiis, quo facilius or-
 thodoxos, cum quibus ipsi res erat,
 opprimeret. Hinc videre poteris quan-
 tus sit Philosophiæ abusus, quamq; dete-
 standa effrænis illa philosophandi liber-
 tas. Vicissim heic Philosophum eundem
 consentientem habeo; pergit enim:
*Unde quæso tot heræles, sectæ, dissidia & opi-
 nionum in rebus theologicis monstra, ab an-
 tiquis ac recentioribus arrepta ac pertinaci-
 sime defensa? annon ex fundamentis in Phi-
 losophia male collatis? ut non male id genus
 Philosophi Terulliano dicti sint Patriarchæ
 hereticorum. Annon ex Philosophiæ vane,
 barbaræ, inficetæ, false Scholasticorum penu-
 atque armamentario, arma in Theologiam de-*

promunt, quibus pugnant, Pontificem adulatores, Lojolite ac reliqua monachorum turba, qui uti Pape, ita nec Aristotelis auctoritatem eripi sibi patiuntur. Annon ex ejusdem corrupta Philosophiae pharetra tela in nos jaculantur infausti socini defensores ac hyperaspistæ. Et paucis interjectis: Tantum valent Philosophorum Scholasticorum scripta, nisi proba ab improbis, que longe maximam faciunt partem, secernantur, scilicet multa sunt axiomata philosophica, non ex rei veritate deducta, sed in Scholasticorum hominum otiosorum cerebro nata. Ut rei veritas omnium obveretur oculis clarius, & dictis addatur pondus atque robur, ad auctoritates clarissimorum virorum configiam. Ipse Megalander noster suis temporibus magnopere conquestus est fortunam peripateticæ Philosophiæ secundam, & miseriam mortalium communem nimio ejus indulgentium amori; in primis dicti istius quod in ore omnium ac gütture versabatur, confidentissime veritatem infirmare

mare studuit, thesin é diametro pugnantem
 opponendo; *error est*, inquit (c),
 dicere: *sine Aristotele non fit Theologus*: *imo*
Theologus non fit, nisi sine Aristotele. Verisime
 profecto si Aristoteles sic doceatur,
 honoretur & narretur, uti tempore
 Lutheri factum fuit. Atque utinam ho-
 die non id fieret apud Pontificios! *Si*
Aristotelis & Philosophorum, dicit quidam
Theologus, auctoritas in rebus Theologicis
fuisse plus imminuta, longe felicius negotium
reformationis processisset. *Quid?* quod ipse
 Lutherus adhuc cœnobita eidem suffra-
 gatur, in epistola quadam ad Iodocum
 Ilennacensem scripta ex monasterio Er-
 fordensi (d). *Uit me resolvam*, inquit, *ego*
simpliciter credo, quod impossibile sit reforma-
ri posse ecclesiam, nisi funditus scholastica Phi-
losophia, uti nunc habetur, eradicetur & alia
studia instituantur. *Tibi video non esse Logi-*
cus, nec forte sum; id autem scio, quod nullius
Logicam timeo in defendenda ista sententia
&c. His similia passim invenias in scri-

ptis ejus occurrentia, quorum non in-
utile fore puto verba ejus licet paulo
prolixiora ex Tomo Altenburg. pri-
mo huc transcribere (e). Die Universi-
täten / scribebit Theander, dürften auch wohl ei-
ner guten starcken reformation, ich muß es sa-
gen / es verdrieße wem es wil. Ist doch alles /
was das Papstschum hat eingesetzt und ordiniret,
nur gerichtet auf sünde und irrehum zu mehren.
Was sind die Universitäten / wo sie nicht anders
denn bisher verordnet / dann wie das Buch der
Maccabæorum sage: *Gymnasia Epheborum &*
græcæ gloriæ, darinnen ein frey Leben geführet /
wenig die Heil. Schrifte und Christlicher glaube
*gelehret wird / und allein der blind heidnische Meis-
ter Aristoteles regiert / auch weiter denn Chri-
stus. Hier wäre nun mein rath / das die Bücher*
*Aristotelis Physicorum, Methaphysicæ de ani-
ma, Ethicorum, welches bisher die besten ge-
halten / ganz würden abgerhan / mit allen andern*
die von natürlichen dingen sich rühmen / so doch
niches darinnen mag gelehret werden / weder von
natürlichen / noch Geistlichen dingen / dazu seine
*Anwendung niemand bisher verstanden / und mit un-
möglicher arbeit studiren, und kost so viel edler zeit*
und Seelen umsonst beladen gewesen sind. Ich
darf

(e) p. 505.

darff sagen daß ein Töpffer mehr kunst hat den
 naturlichen dinge / denn in denen Büchern ge-
 schrieben stehen. Es thue mir wehe in meinem
 herzen / daß der verdamte / hochmüthige / schalck-
 hasche Heyde mit seinen falschen worten so viel der
 besten Christen verführt und genarret hat. Gott
 hat uns also mit ihm geplagt um unser sünde
 willen. Lehret doch der elende Mensch in seinem
 besten Buch de anima , daß die Seele sterblich
 sey mit dem Körper / wiewol viele mit vergeblichen
 worten ihn haben wollen errettet / als hätten wir
 nicht die H. Schrifft / darinnen wir überreichlich
 von allen dingen gelehret werden / deren Aristoteles
 nicht einen kleinsten geruch je empfinden hat.
 Dennoch hat der todte Heyde überwunden und
 fast unterdrückt / daß wenn ich solchen jammer be-
 dencke / nicht anders achten mag / der böse Geist
 habe das studiren herein gebracht. Nur weiß
 pergit , mit solchen Büchern von allen Christen.
 Darff mir niemand auflegen / ich rede zu viel oder
 verwerffe / daß ich nicht weiß. Lieber freund / ich
 weiß wol / was ich rede. Aristoteles ist mir wol
 bekant / ich habe ihn auch gelesen und gehöret wie
 mehrern verstand / dann S. Thomas oder Scotus,
 daß ich mich ohne hoffart rühmen und wo es noth
 ist / wol beweisen kan. Idem fere judicium
 esse quoque reliquorum tam Theologo-

rum quam nostri temporis Philosophorum de Aristotele ejusque Philosophia, ex scriptis eorum, quæ publicam videre lucem, in aprico est. Quam misere autem multorum ingenia imo & animas perdidit Philosophia Aristotelica in primis seculis, cum non Valentinus tantum, sed alii etiam floruere fanatici, loquuntur ecclesiastici Annales, & sane Eusebius elegans Scriptor, Aristotelicos in rebus Theologicis disputantes, nativo suo egregie depingit colore. verba ejus hunc fundunt sonum: *Sacras scripturas audacter depravarunt, veteris fidei canonem abrogarunt, Christum ignorarunt, neq; quid sacra & divine literæ de illo dicant, conquiverunt, sed quenam syllogismi figura ad suam impietatem confirmandam reperiretur studiose indagarunt.* Quod si quisquam illis forte aliquod divini eloquii testimonium proferat, querunt, herum conjunctam aut disjunctam syllogismi figuram possit efficere. Licet vel hinc cuivis pateat, quam verissima sit nostra, de erroribus Valentini

tini ex Peripatetica profluentibus Philo-
sophia, sententia; attamen ne quicquam,
quod ad justam veramq; rei perceptio-
nem requiritur, desit, age! inquiramus,
num quoq; exemplis constet alios, præ-
ter nostrum, duce Aristotele, deceptos
esse. Qui aliquid in historia norit litera-
ria certe & nomen Johannis Gramma-
tici sibi in memoriam revocabit, qui a-
lias Philoponus dicebatur, Philosophus
Peripateticus magnæ celebritatis. Istum
alios gravissimos in Theologia fovit er-
rores, tum novæ quoque hæreseos ex-
stítit auctor, cuius affeclæ dicti sunt
Tribitiae. Juvat hæreseos occasionem bre-
viter ex Leontio Byzantino paulo accu-
ratius recensere, ut inde manifestum
fiet, ab Aristotele illum deceptum ac in
hunc præcipitatum errorem fuisse. Di-
sputabat *Johannes* cum orthodoxis, qui
cum graviter eum urgerent, eo demen-
tiæ provectus est, ut tres in divinitate
naturas, sicut tres hypostases esse affe-
ruerit; ita enim rationes subducebat Phi-
loponus si duæ in CHRISTO sunt naturæ,

fe-

sequitur duas in eodem esse hypostases. Respondebant orthodoxi, non recte ita colligi, cum natura & hypostasis non omnino sunt unum & idem, alioquin tres fore in divinitate naturas quemadmodum hypostases. Sed reponebat Philoponus, naturam & hypostasin unum idemque esse. Addit porro Leontius hauisse Philoponum errorem ex Philosophia Aristotelica, ubi docetur individuum & particulares esse substantias & unam communem; hinc & Philoponum tres particulares esse in Trinitate substantias & unam communem. Vastissimus sane heic mihi fese aperiret exspatiandi campus; ubi differendi esset venia de Themistio auctore agnoëtarum, Arابum Philosophorum impietate, erroribus Roscelini, Abælardi, Arnaldi Brixensis, Gilberti Porretani, Almarici, Davidis de Dinanto, Joachimi Abbatis, & aliorum quamplurimorum, qui omnes Aristotelem sectati sunt. ast, ut antea dixi, verat id temporis arcta nimis ratio. (f)

He-

(f) conf. Observat. selectas ad rem literariam.

Hesiodum Poëtam, ubi Musarum sacris
 Valentinus noster operabatur, ingenii
 laudibus & carminum dulcedine floru-
 isse, ex supra adductis liquet, cujus avi-
 de delectatus næniis imprudens, Poëtæ
 capitur errore; ut pari eum commen-
 torum accusemus jure, quo olim
 Hesiodum fabularum auctorem dixit
 Quintilianus. Res meridiana luce clarius,
 Theogoniam, ut dicitur, Poëtæ hujus,
 ansam Nostro barbare philosophandi
 præbuisse, is quippe qui vel sernel mecum
 labores hosce poëticos evolvit, ultro fa-
 tebitur, Triginta Valentini Æones hinc
 natos esse: non enim obscure insinuat
 Poëta has Deorum generationes, qua
 ratione invicem produeti sunt, verum
 adeo distincte atque perspicue, ut vel
 aliquot tantum perlectis paginis, totidem
 Hesiodi præceptoris ac discipuli Valen-
 tini Deorum deprehendes chores. Un-
 de colligo, amore propalandi Platonis,
 Aristotelis & Hesiodi absurdia, cum E-
 piscopatum obtinere nequit, Nostrum

sic, more eorum, qui ad infimos
scholæ pulveres damnati videntur, de-
lirasse.

§. XI.

QVanquam sic manifesta veritatis lu-
ce convicti sumus, Valentiniū cum
aſteclis tot opinionum introduxit mon-
stra; mirum tamen quod audeat Go-
thofredus Arnoldus, scriptor Historiæ
Ecclesiasticae novus, viri tantæ stolidi-
tatis partes tueri, confarinando non
ejus ſolum, verum omnium fanaticismo
deditorum, Apologiam. Ne autem hy-
pothesium ſuarum novitate nos decipi-
at, judicium B. Epifcopi Norrmanni,
Theologi ac Polyhistoris desideratissi-
mi, de hoc Arnoldo, huic ſubjungam
capiti: *Ne operculum, tonant verba ejus,*
hujus ſectæ deesse videatur (locutus est in
Antecedentibus de ſecta novatorum,
quæ vulgo pietistica appellatur) in
lucem producendus est Crispinus ille Gotho-
fredus Arnoldus, ſæpius ad basca partes vo-

can.

candus, qui, si eruditionem species, lucu-
lenta elogia meretur in iis quæ ad πολυμα-
θiam faciunt. Inusitata est ei industria &
singularis felicitas in ignotis antea monumen-
tis indagandis, quorum in publico nulla an-
te a notitia fuit. Deplorandum vero est illum
eum ingressum esse viam, quam non probare
possimus. Opus ejus Ecclesiasticum notum est
duobus voluminibus in folio editum 1699 &
1700. Institutum operis credo vos ex fama
antea accedisse. Sed nihil attinet de persona
plura dicere. Hoc autem tangendum mihi
est, quod ea heresi laborebat, non esse jure di-
vino, ut Scholasticis titulis utantur Christiani.
Hic Arnoldus erat historiarum Professor in
Academia Giessense, sed professione sua, ra-
tionibus suis in lucem editis, se abdicavit,
affirmans se non posse hoc munus bona cum
conscientia obire. Maxime hoc crepat, quod
tam multa peccentur in scholis & Academiis,
imprimis uti modo dicebamus, quod Magistros
atque Doctores creent contra verba Christi,
non uno in loco jubentis, ne Magistri appelle-
mur Math. 23. Ceterum in hunc lapidem non
ille solus impingit, sed etiam Anabaptista:

Quakeri & Calviniani antiquiores hisce
titulis abstinuerent, sed eos deinde recentio-
res admiserunt. Carolstadius, titulo Do-
ctoris repudiato, voluit appellari Der
Nachbar Andreas, seu Vicinus Andreas;
dicebat enim se in Inauguratione Docto-
rum contra conscientiam fecisse, & idcirco
promisso nunquam se amplius Promotorem
futurum. Verum respondemus: si non jus sit
adpellare Doctores & Magistros, nemo quo-
que tum adpellandus est nomine Patris, quia
hoc etiam Christus prohibet. Sed Christus bae
prohibitione non respicit ad frugalem usum ti-
zulorum, sed abusum; DEUS enim est ordinis
DEI, ideoque vult Ordines esse in Ecclesia.
Ceterum Arnoldus non videri vult is, qui in
universum titulos damnet, sed abusum eorum,
scilicet quod per ambitum honores ambiantur,
oblineantur & gerantur. Rursus culpat hoc,
quod Professio Academica sit mercenaria, &
Professores nihil gratis faciant, sed merce-
dem a Discipulis exigant, & alia satis fri-
pola. Proinde, ne conscientiam suam aggra-
varet, vitam privatam agere maluit. Ra-
tio autem scriptoris ejus haec est, quod velit
sine

sine aliquo affectu Historiam Ecclesiasticam tractare. Nulla enim, inquit, Historie Ecclesiasticae scripta ab ullo hominum, quibusunque ille partibus addictus fuerit, ita pertractata esse, quin in genuinam scribendi rationem impingant, debent enim ita comparati esse scriptores, ut cxiuant omnes affectus: sed id jam videre licet in omnibus sedis, quod suus quisque praeconceptas suas opiniones sequuntur, sua castra commendent, & aliorum perstringant. Pollicetur autem se longe aliam diam ingressurum. Titulus libri quem edidit, hic est: Kirchen und Letzer historse von anfang Christi bis an Jahr 1688. Contextit itaque, prout ex titulo patet, historiam non modo Orthodoxorum, sed etiam heterodoxorum. Lucas quidem Osiander in Epitome ad Centurias Magdeburgenses eandem rem aggressus fuit, sed dissimili plane modo. Offendit tantum in quibus rebus heretici contra Orthodoxiam peccarunt. Sed Arnoldus ita comparat Orthodoxos & Hereticos, ut Orthodoxi sunt illi Heretici, & Heretici Orthodoxi, heresiumq[ue] patrocinium in se suscipiat, & omnium hereticorum apologiam scribat.

Imprimis hac ratione illam apologiam instituit,
 quod heretici damnati sunt in Synodis ab Or-
 thodoxis indictis, in quibus nullæ eis partes
 demandatae sunt. Eceterum si hereticis jus
 fuisset concessum habendi concilia œcuménica,
 non meliorem Orthodoxorum partem futuram
 esse. Sed recte loquitur Arnoldus: Ab Aria-
 nis in seculo IV. multoties damnati sumus.
 Heretici enim non eo stultitiae progrederuntur,
 ut se ipsos damnent. Pergit autem Arnoldus
 dicendo: Nos, quicquid de antiquioribus Hæ-
 reticis scitur, id tantum Orthodoxis nostris
 Theologis debere, cum quibus res ita est com-
 parata, ac cum Livio, qui Romanos sem-
 per in prælio victores facit. Sic quoque fa-
 ciunt nostri homines, hæreticorum causam
 deprimunt, nostram vero extollunt. Ad hæc
 fuisse nostros homines iracundos, leves & af-
 fectibus suis indulgentes (imo Patres Nicenos
 appellat asinos) ut rationibus cedere noluerint.
 Si vero cum doctissimo Ario & Samosateno
 disputationibus congressi fuissent, victores non
 existissent. Quicquid itaque Arnoldus colli-
 gere potest ad hanc rem demonstrandam ex

anti-

antiquâ Grecenti historia, id facit & nulli operæ parcit: quod commendari potest, id ruspatur: vela dat eloquentia, & ex musca facit elephantum: adeo deditus est laudibus hereticorum. Rursus cum ad Orthodoxos deveniatur, eos taxat, quod hereticis, longe se melioribus, infesti, omni nisi incubuerint, quomodo eos male audire facerent. Dicit quoque eandem fabulam hodie agi ac olim; sic enim discedentes tractamus ut vitia eorum veneremur, majora ea, quam revera sunt, faciamus, & laudes taceamus. Non concordiam foremus sed lites & dissensiones, omnes excludendo qui non nobiscum sentiunt. Hæ sunt hypotheses Arnoldi, quem jam missam facimus. Et paucis interjectis.

Sequitur jam, ut pauca dicamus de Historia Ecclesiastice scriptore, Gotbredo Arnoldo, qui videtur plus damni illatus, quam cetera omnia scripta, namque uti novus, ita cupidius legitur, imprimis cum historice scripsit. Sic novimus factum ab initio hujus seculi in ecclesia Pontificia, dum Cesar Barinus historico suo scripto, plura damna Ecclesie

si et intulit, quam Robertus unquam Bellar-
 minus, qui quidem docte scripsérat, sed spino-
 sior & magis controversus deditus est. Verum
 Baronius historias contexit, & omnes animos
 ad se traxit, usus ea obscuritate, ut quorsum
 tendat, nisi solertissimi quique Lectores obser-
 vaverint. Fatetur se nibil aliud velle, quam
 historiam ecclesiasticam ex omnibus Bibliothecis
 tractare, utires etiam primo intuitu videba-
 tur, sed Scaliger & Causabonus, pro ingenii
 eorum dexteritate, observarunt illum aliud a-
 gere, & hoc scripto tractare, diverso plane mo-
 do quam Bellarminum, nimirum ostendere
 eandem doctrinam, que jam apud Pontificios
 regnat, per omne tempus in Ecclesiis obtinuisse.
 Sic etiam Arnoldus agit, & fatetur se non
 descendere in castra disputationis, sed libero
 animo veritatem historicam sequi, & utires
 est, agere. Verum an hoc præstet, versatus
 paululum facile reperire potest, dum Ortho-
 doxias negotium faceſſit, & hereticos tue-
 tur omnes.

CA-

CAPUT POSTERIUS,

QUÆ AD PHILOLOGICAM THEMATIS TRA- CTATIONEM SPECTANT, TRADENS.

CONSPECTUS.

- | | |
|--|--|
| §. 1. Modernorum Novatorum de Æonibus recensabit errores. | §. 4. Classem priorem, adducet, |
| §. 2. Etymologiam vocis άιων tractabit. | §. 5. Posteriorem exponet, |
| §. 3. Varios significandi modos enumerauit, ac in clas- ses duas distinguet. | §. 6. Novatorum cum His confe- set. |
| | §. 7. In caussas erroris hujus inquiret. |

§. I.

uanta veterum nascente Christianorum Ecclesia fuere Schismata, quique de Æonibus errores, qua debui, recensi brevitate, jam eorum, qui nostra hac ætate, si non similia plane, saltim æque absurdia, ac, si fingendi libidinem respicias, haud dissona adponunt, per-

G strin-

Stringandæ sunt opiniones. In clarissima
 versatur luce Petersenii, Superintenden-
 tis olim Lüneburgensis, *de Restitutione o-
 nnium, sententia*; edito quippe libro, cui
 titulum præfigens: μυστέριον ἀποκαλασί-
 σεως πάθων, summo labore evincere co-
 natur, ipsos genios, seu Angelos lapsos,
 qui in locum, quovis angorū ac crucia-
 tuum genere horrendum, semet proprio
 nutu dedere præcipites, peracto quasi
 rerum circulo, certisque ad finem per-
 ductis Æonibus, h. e. millies mille secu-
 lis, ad pristinæ dignitatis fastigium re-
 dituros fore, atque adeo, ut nunquam
 amplius, facta semel ex tetris istis vin-
 culis solutione, suas persentiscant pœnas.
 Vah! quanta præfractæ mentis acu-
 mina!

Totius ab ipso consarcinati operis
 οὐνούσις, ut cujusvis Lectoris pii subijcia-
 tur oculis, contenta ejus breviter recen-
 sebo. Volumen in tres dispescitur par-
 tes: *prima* basin seu fundamentum hujus
 ἀποκαλασίου in divini spiritus oraculo;
Act: 3; 21, ponit, variisque ex veteri fœ-
 de-

dere additis testimoniis, inquirit, num Origines aliquique Veterum parem ipsi habuerint animum? quod rationibus multis ostendendo tuetur, ideoque eos insigni mactat encomio. In parte secunda responsione excipit Consummatissimum Rostochiensium Theologorum scripta, quibus hoc iniquitatis monstrum primum in lucem protractum est; Doctoris puta Fechtii programma Academicum, nec non D. Grapii dissertationem Inauguralem, eaque demoliri, ac qua animi uititur vehementia, confutare studet maxime. David Joris, qui easdem olim inflavit temeritatis tibias, consortio inferatur sanctorum. Tertia denique pars operosam refutationem instituit Magnifici, ac supra jam non satis laudati Ittigii dissertationis Inauguralis, de *Æterno Evangelio*; quo autem id fiat successu, quamque feliciter, Lector cordatus, collatis inter se horum virorum laboribus, facile judicabit. Præterea liber sapientiae in Canonem recipitur. Totum tan-

dēm volumen explicatione loci classici,
 Heb. ii; 16. ac subjunctis, brevi quadam
 fidei confessione, & Georgii Pauli Æ-
 terno Evangelio, absolvitur. Exceptis
 autem his iasulis rumoribus, sequentia
 absurdā ibi notabis : Neminem adhuc im-
 piorum ad infernalia pervenisse loca. Diabo-
 los, omnesque eorum adjudicatos cœtui, posse
 pœnitentiam agere ac salutem consequi. Nos
 summam in Christianismo attingere perfectio-
 nem, adeo ut amplius in hocce mortalium
 curriculo peccatorum labe ac maculis haud
 contaminetur vita nostra. Oracula sacra,
 Esa. 38:18. & Cap. 64. 24. Matth. 7. 14. in
 pessimum detorquentur sensum, inde ut
 Evangelio ejus Æterno robur addatur
 atque pondus. Davidem in summa mentis
 desperatione, contra omnem veritatem, conscri-
 psisse Psalmi sexti versum sextum. Christum
 pro Diabolis quoque passum fuisse. Dari la-
 ca duo media Cœlum inter atque infernum.
 Malum non posse in aeternum durare. Volun-
 tati DEI dissonum debere tandem desinere.
 Communem Orthodoxorum sententiam cum di-
 vina misericordia, ejusque profundissima erga

creaturas caritate, non concordare. Peccata
temporalia non æternas mereri pœnas. DEUM
non posse a se conditas creaturas sempiterno
odio prosequi: Non esse credibile tam paucos
piorum Salvari. Fini ultimo, qui amor ac
gloria DEI est, hæc omnia contrariari. Ad
has firmandas hypotheses, sine omni
ratione, adducuntur Spritus Sancti ora-
cula magno numero e. g. Act. 3: 21.
1 Cor. 15: 22 - 28. 1. Pet. 3: 19, 20. Hos. 13: 14.
Zach. 9: 11, 12. Math. 15: 25, 26. Math. 18: 32.
Luc. 16: 9. Luc. 11: 21, 22. Isa. 49: 25.
1. Pet. 4: 6, Rom. 5: 14 - 21. Eph. 1: 10.
Col. 1: 19, 20. Phil. 1: 9, 10, 11. 1. Joh. 3: 8.
Marc. 16: 15. Quis non visis ac auditis
his exhorrescat? certe effato Augustini
quemvis Christianum accessurum spero:
Quis Catholicus Christianus, inquit, vel do-
ctus vel indoctus non vehementer exborreat
eam quam dicit purgationem malorum (a).
Imo quam maxime horrorem cuivis
sano debet istud dogma incutere, quis
enim tam stupidus, ut nesciat eo ipso
viam ad Atheismi ac securitatis ædes

ri stratum. Quæ via quæque ædes tanto majori cum studio sunt evitandæ quanto certiores sumus Tartari istius principem velle nos hæc sub pietatis ac doctrinæ specie seducere ac invitare. Hinc etiam Gregorius Magnus Episcopus quondam Romanensis, egregie in hanc rem differit (b) *Antiquus ille persuasor, in membris suis, h.e. in mentibus iniquorum futuras pœnas quasi certo fine determinat, ut eorum culpas sine termino corruptio- nis extendat, & eo magis hic peccata non finiunt, quo istic affirmant peccatorum supplicia finienda.* Sunt enim nunc etiam, qui idcirco peccatis suis ponere finem negligunt, quis habere quandoque finem futura supra se judicia suspicantur; *Quibus breviter respondemus: Si quandoque finienda sunt supplicia reprobo- rum, quandoque finienda sunt ergo & gaudia beatorum.* Hinc ut veritas in lucem prodeat, ac tenebræ, misericordiæ hujus Doctoris, dispellantur, pollicitus sum in hoc capite inquisitionem institutu- rum

(b) Lib. 34. Mor. Cap. 16.

rum me, num in vocis *āiaw* significatu, prout variis in divinarum literarum locis, & novo imprimis fœdere occurrit, Novatoris opinio aliquid habeat præsidii ac fundaminis.

§. II.

Natales vocis *āiaw* jam recensere, jubar illa in plerisque eruditorum Scholis recepta disputandi methodus. Originem autem ejus investigaturo, ul- tro patet, vocem simplicem esse, nec aliquos agnoscere maiores; dicitur itaq;
āiaw, h. e. *Seculum*, *evum*, *eternitas*, *perpetuitas*, quasi *āiaw* *w* semper existens, quod ut initium non habuit, sic omni carebit fine. Præter hoc, qui uberior- rem commentationem volunt, videant in Lexicis, ego in re notissima, ac cui- vis literato homini obvia, horam & chartam perdere nolo.

§. III.

UT mode prolixa Natalium 78 vocis *āiaw* celebratione supersedere coge- bar, sic varios ejus significatus, ac, qvas ob-

obtinet acceptiones, literis me prodere & consignare, adstringit idem ille, cuius mentionem injeci, literatorum differendi modus. Notanter dixi *varios significatus*: quemvis enim, qui vocem tam in Novo JEsu Christi Testamento, quam profanorum scriptorum libris sibi obviam habuerit, asserturum confido, hanc significandi sua vi latissime diffusam patere, modo enim *absolutam* insinuat æternitatem, modo *relatam*, idque modis variis; nonnunquam *perpetuitatem* denotat, quæ *ἀειλογίκως* est quasi *æternitas*; jam pro tempore ac duratione hujus mundi, vita, seu *duracione vite*, jam pro æterna illa post mortem *duratione* accipitur, ac passim in sacra scriptura usurpatur. Ut vero distincte singula proponantur, ac suo compareant ordine, ex literis divinis, quæ ad præsentis materiei illustrationem conducent, colligam, observaturus summa cura ac studio ut confusionis ac perversi ordinis labyrinthos evitem, quos effugere tum maxime crediderim,

si omnes acceptiones, in duas distinctas classes, hac ratione obser-
vaverim.

§. IV.

Classis prioris hoc opus hicque labor
erit præcipuus, primum illum signifi-
cationis modum expendere atq; exami-
nare; quæ quoque in anteceslum juste
observat, quod æternitas interdum *An-*
te certum quoddam instans tempus, in-
terdum *Post* computetur. Cum *Ante* id
fiat, computatio suum, retro ab omni
æternitate, sortitur initium, idque in
numero utroque tam singulari quam
plurali; ut cum dicitur ἀπὸ αἰώνος, de-
notatur eo ipso continua quædam à pri-
mo, si quod concipi posset, æternita-
tis momento hucusque continuatio,
Act: 15: 18: & in plurali *αρι τῶν αἰώνων*
Col: 1: 26: *Eph: 3. 9:* *Eph. 3: 4:* ubi verba
sic sonant: *καθά πρότερον τῶν αἰώνων*, h:e:
secundum propositum ejus æternum,
seu ab æterno factum. *Post* autem, cum
hic obtinet loquendi modus: *εἰς τὸν αἰώνα*
in æternum; *εἰς τὸν αἰώνα τῇς αἰώνος*; *εἰς*

τὸς ἀιῶνας τῶν ἀιώνων, εἰς τὸς αἰῶνας, cui
 æternitas non retro tantum, verum etiam
 post computata includitur, ut ex loco Act:
 15: 18. modo adducto, liquet. Quibus
 observatis, prima æternitatis acceptio
 statim nobis innotescit, scilicet illam &
Absolutam esse & Relatam. Absolute dum
 occurrit, eam denotat æternitatem, quæ
 initium nunquam habuit, nec habitura
 erit. Hac ratione soli DEO ejusque at-
 tributis essentialibus, e:g: *veritati, bo-*
nitati, justitiae, misericordiae & omnipotentiae
 competit, nec non singulis tribus Per-
 sonis, earumque operibus ad intra; imo
 & gloriæ humanitati Christi collatæ.
 Licet ultiro fateri necessum habeamus,
 gloriam illam in tempore humanitati
 esse communicatam, quoniam Filius
 DEI humanum corpus in temporis ple-
 nitudine assumpsit, hoc tamen extra con-
 troversiæ manet aleam, eandem ei
 collatam esse gloriam, cuius una cum
 Patre ab æterno particeps fuit, quod
 cuivis ex Cap: Joh: 17: 5: obvium est, ubi
 Salvator, Patrem vult exorare, ut se-
 cun-

cundum humanitatem suam ea ipsum
glorificet δόξη, quam habuit aqud ipsum,
πρὸ τῆς τὸν κόσμον ἀνατίθεται. Relate vero dum
accipitur, insinuat eternitatem, quæ qui-
dem initium habuit, verum fine desti-
tuitur. Hac ratione tribuitur Angelis,
animabus hominum & corporibus eo-
rum post resurrectionem, non piorum
tantum, sed impiorum quoque. Porro ab-
solutam illam ac nullis limitibus circum-
datam eternitatem, quomodo divinis
attributis ac Christo Θεονθεάπωλω com-
petere dicunt nostri Theologi, non ju-
vat exponere, labor quippe esset ab
instituto meo alienus, & vel parum vel
omnino nihil fœnerans lucis. Eos au-
tem, qui amore ac studio tenentur tan-
tas degustare delicias, Erasmus Schmi-
dius, quondam Germanorum decus, in
annotationibus suis in N: Testamen-
tum sufficienter docebit.

§. V.

Priorem posterior excipit classis, quæ,
quantum ingenii sinunt vires, reli-
quas exhibebit vocis αἰών significatio-

nes, initium capiendo à secunda, quæ
quasi ἀναλογία est *eternitas*, & *perpetui-
tatem* hoc sub formalī ac consideratio-
nis modo tractat, ut quoad initium ac
finem extendi haud queat, sed a sub-
jecti sui existentia & duratione omni-
no dependeat eique sit adæquata. De
hac *perpetuitate*, cum qua aliquid sine
interruptione manere vel non manere
potest, evidentissimum deprehendimus
in novo fœdere exemplum: 2 Cor: 9: 9:
ἢ δικαιωσύνη ἀνή (loquitur Apostolus
cum Davide ex Psal: 112: 9: de homine
pio) μένει εἰς τὸν αἰώνα, h:e: quamdiu vi-
vit justus, justitiam exercet; quanquam
& hoc de *eternitate relata* possit accipi,
ut sensus tum sit: *fructum justitiae percipiet in eternum.* Describitur *bac perpetu-
itas* talis, intra quam aliquid plane non &
ne semel quidem fieri debet, quod pa-
tet ex Math: 21: 19: Marc: 11: 14: ubi de
arbore agitur arefacta, quæ minarum
Servatoris vim statim sentiebat: μηκέτι ἐκ
σῆς καρπὸς γένηται εἰς τὸν αἰώνα. Tertio tempus
& durationem hujus mundi(in singulari &
plu-

plurali) denotat, quatenus æternitati & *absolute* & *relatae* opponitur, sic Luc: 1: 70: sermo est de Prophetis sanctis, quod Dominus locutus sit per os eorum ἀπ' αἰῶνος, h: e: ab initio mundi, vel à quoquaque alio temporis articulo, assumptio termino usque ad finem mundi.

Quarti significatus fundamenta, partim sacra pagina, partim scriptores profani, tam Græci quam Latini tradunt. Ipse Paulus in Epistola ad Titum Cap: 2: 12: voce hac pro *vita*, *tempore* & *duratione vita humanae* utitur; verba in dicto loco sic jacent: ἡνα σωφρόνως οὐκέ δικάιως, οὐκέ εὐσεβῶς ζήσωμεν ἐν τῷ νῦν αἰώνι. Latinos scriptores quod attinet, ævum penes eos in pari occurrit significatu, cuius rei testis est Statius (c) cui ævum perdere, idem est ac *vitam amittere*, scilicet finire. Græcis similis est loquendi modus; canenti Hesiodo γλυκερῆς αἰῶνος ἀμερῆς, vita privare, Respondet Herodotus, τελευτήσας τὸν αἰώνα, vitam finisse. *Quinta* αἰών ac-

H3

(c) Lib. 5, Thebaidos.

acceptio, durationem post hanc vitam hunc
 mundum insinuat, nunquam terminandam,
 sic Math:12:32: ὁ μέλλων ἀιών distinguitur
 ab ἀιώνιοις, conf: Marc: 10:30: Luc:18:30:
 Eph:2:7:Heb:6:5: singula allata oracula,
 nil nisi futuri seculi, tam beatorum, seu
 in cœlo gaudientium, quam impiorum in
 horrendis inferorum ædibus, omni mœ-
 roris genere affectorum, perpetuam
 durationem loquuntur, ac firmissime
 ἀιώνος μέλλοντος existentiam, ejusque nullis
 limitibus terminandam perpetuitatem af-
 ferunt; frustra ergo tentat Novator,
 lucis perpetuae osores in libertatem pri-
 migeniam vindicare. Solet etiam
 apud Poëtas græcos usurpari pro ani-
 ma humana, uti ex Euripide citat D:
 Schmidius; ἀπέτηνευσεν ἀιώνα, efflavit
 animam, quod sextum vocis significa-
 tum prodit. In Commentariis B:Patris
 Hieronymi in Prophetæ Ezechielis
 Cap: 26: adhuc septima ἀιών occurrit
 acceptio, ibi enim per ἀιών certum in-
 telligitur tempus, quod Septuaginta an-
 norum decursu finitur, adeo ut ἀιών
 ipsi sint Septuaginta anni. Octa-

Octauum porro si desideraveris si-
gnificationis modum, ipse Spiritus DEI
istum tradet, ostendendo per αἰωνα etiam
indigitari res mundanas quasvis, sive sint
anima, sive corporis, sive fortune, sive poli-
tice externe, sive etiam totius status hujus
mundi, quatenus sub regno Diaboli est.
Anima, seu mentis nondum regeneratae
exemplum sistitur 1: Cor: 1: 20: ἡ τοῦ Θεοῦ
πτερυγα μαζέυσις, πτερυγα συζητήσις τοῦ αἰωνοῦ τοῦ πτερυγα;
Corporis vero Rom: 12: 1: 2; ubi Roma-
nam gentem hortatur Apostolus, ne vo-
luptatibus ac carnis indulgeat concupi-
scentiis: μὴ συχναμάζεσθε τῷ αἰῶνι τῇώ.
*For-
tuna* autem, Δημόσις γάρ με εὐκαλέλιπεν, αὐτο-
πήσας τούτην αἰώνα, loquitur idem Apo-
stolus 2 Tim: 4: 10: plura hujus rei
testimonia invenies in historia Evan-
gelica: Math: 13: 22: Marc: 4: 19: Luc:
16: 8: & 20: 32: Quod *Politice externae* et-
iam res heic sub αἰῶνι intelligantur, osten-
dit rurus idem gentium Doctor 1: Cor:
2: 6: 8: οὐ φίαν δὲ λαλέμεν ἐν τοῖς τελέσ-
οις, οὐ φίαν δὲ καὶ τὸν αἰῶνα τέττας, δέ τῶν
ἀρχόντων τὸν αἰῶνα τέττας τῶν καταργεμένων.

conf.

conf. v. 8. Et Status quoq; totius hujus mundi,
 quatenus sub regno diaboli est. 2. Cor. 4. 4.
 Eph. 2. 2. Eph. 6. 12. Gal. 1. 4. Nonam de-
 tum ex Heb. 1. 2. addo acceptio[n]em, ut
 nimis tempus, seu temporum deno-
 tet successionem: Sic enim sonant verba:
 ὅτι εἴ θηκε πληρούμενον πάντων, διὰ τὸ γὰρ τόπος αἰώνας
 ἐποίησεν. Ubi αἰώνας pro tempore accipi
 in aprico est, ni forte & hic, ut in signi-
 ficatu subsequenti, velis intelligere mun-
 dum ipsum. Interim in dicto loco tem-
 pus insinuare Apostolum, haud obscure
 colligo; quandoquidem αἰών, ut in se-
 ptima vidimus acceptione, definitum,
 puta septuaginta annorum, tempus
 prodat; hinc etiam factum arbitror, ut
 in plurali sœpius quam singulari vox illa
 occurrat, sicut 1. Tim. 1. 17. fieri depre-
 hendimus, ubi βασιλεὺς τῶν αἰώνων. Salva-
 tor appellatur, hoc est, non unius spatii;
 septuaginta scil. annorum, sed plurimum,
 imo omnium, & per consequens æter-
 nitatis; atque hac ratione dicitur εἰς αἰώνα
 αἰώνων in aeternum rex manere. Si jam
 αἰών, seu spatium septuaginta annorum
 com-

computaretur, esset unus $\alpha\omega\tau\alpha\omega\nu$, si vero $\alpha\omega\tau\alpha\omega\nu$ iterum septuages computaretur, fieret $\alpha\omega\tau\alpha\omega\nu\tau\alpha\omega\tau\alpha\omega\nu$ & ita porro in infinitum progrediendo. *Decima* denique significazione obvius est etiam Apostolus, Hebræos suos alloquens cap. II. 3. πίστει πολὺμεν καὶ ηγέρθαι τοῖς αἰώνιοις πόνμαῖς Θεῖς, quo ipso digitum quasi in hunc mundum aspectabilem intendit, in quo vivimus; qui intra limites terminosque suos in sinu nos fovit, ac intra sex dierum spatum à DEO Optimo Maximo conditus ac ornatus est: in hunc, dico, mundum, quem æternum esse olim ex hypothesi sua pronunciavit Stagirita. Sic variostη $\alpha\omega\tau\alpha\omega\nu$ significatus, quos recensere & sacra pagina & profanorum aucto- rum scripta analam dedere, levi prorsus penicillo examinatos, in impolita hac opella jam deprehendis; in quibus tam en inquirendis, mirum quantum sub- fidii mihi nobilis iste commentarius Schmidianus subministravit: quod lu- bens fateor.

§. VI.

JAM, Lector Cordate, cum adversario
 in arenam descendendum est, ubi pie
 & modeste, canitiei ejus sua relicta re-
 verentia, cum eo certabimus; statum
 igitur formaturi controversiæ, thesin ad.
 ornamus talēm: *Vocis aiwv variae in scriptu-
 ris occurrentes acceptiones, diabolis ac damna-
 tis ex π̄ς eorum horrendo nullā pollicentur li-
 berationem.* Agathophiliū & Philaletham,
 quos in opere suo mutuis introducit col-
 loquiis Novator, id assrerere in comperto
 est. Itaque ad tela ejus excipienda,
 scutum atque arma, age, ex divinis in-
 quiramus castris. *Relatam perpetuitatem
 pœnis damnatorum denegare, mirum
 quod audet, utpote cum ne unicum qui-
 dem ex literis sacris poterit ostendere
 suæ opinioni faventem locum, certe nul-
 lum oraculorum, in introitu hujus Cap.
 adductorum, id insinuare omnes vide-
 mus.* Ut rite ergo disputantium mos &
 animus nos maneat, astus ejus machina-
 menta eo demoliri nobis cura erit, quod
 tan-

tanti momenti ac roboris contrarium,
ex eodem deducamus fundamento ac
principio, ut veritas, ab hoc scriptore
tot tantisque obscurata tenebris, constet
ac prodeat in lucem. *Relata Æternitas, quæ*
initium quidem habuit, at fine carebit,
tribuitur Angelis, tam bonis quam malis,
quin & ut supra innuimus, animabus ho-
minum, imo eorum quoque corpori-
bus, non beatorum solum, sed etiam da-
mnatorum. De beatis jam nolo dispu-
tare, nec de iis controvertitur; de da-
mnatis autem, qui vel homines sunt vel
Angeli, sequentia videamus S. Sancti te-
stimonia: Marc. 3: 29. Apoc. 14. II & cap.
19: 3; in quibus de futuro seculo & pœnis
damnatorum æternum duraturis agitur,
conf. loc. parall. Esai 34: 10. Singularem
prorsus meretur observationem, in di-
Etis oraculis loquendi modus: ἐς τὰς
ἀνάρας τῶν ἀνάρων, quas voces in N. Test.
de futuro mundo nunquam usurpari, ni-
si quando tempora seu secula donotant
infinita, dudum evicit D. Seb: Schmid. (d).

Vides ergo Agathophili & Philalethæ colloquia ficta & confabulationes temerarias, in quibus nil nisi absurdas consequentias mirari convenit. Dicta sacra ab adversario allata, tantum abest, ut damnatis liberationem promittant, ut potius servitutis ac horrorum infernaliū denuncient perpetuam durationem. Præterea vox ἀιων, uti ex acceptione ejus liquet *sexta*, seculum significat futurū, quippe notissimum est Salvatorem Math; 12: 32: istud à præsenti distinguere. Si jam ἀιων tempus denotat futurum, & quidem seculi futuri tempora infinita, sequitur pœnam damnatorum, manentibus istis seculis infinitis, duraturam, ratio est: quia hæc pœna eorum, pari modo ac tempora istius seculi, à Spiritu DEI describitur. Unde errorum scordibus sese maculant confabulantes, quas si abstergere velint, ostendant ex aliis N. T. locis, vocem illam non denotare seculum futurum ejusque tempora infinita, & cum sermo est de pœnis damnatorum, non insinuare cru-

cruciatus termino ac fine destitutos.
Interim valeat Agathophilus, cum sua
Philaletha.

§. VII.

HAC effreni & licentia & in excogi-
tandis absurdissimis Usus est audacia
Agatophilus cum sua Philaletha. *Deus*
misericordiae abundans divitiis, illuminet tan-
ti olim Doctoris oculos, ut bis tenebris cæ-
cisque nubibus dissipatis, rivulorum urbis
divinæ dulcedinem in corde sentiat! Historiam Ecclesiasticam perfunctoria tan-
tum opera letem qui pervolverit, sordi-
dissimi dogmatis causas sine omni in-
veniet difficultate. Non hodie primum
ex scriptis Origenianorum & Anabaptista-
rum evictum est, turbas eos olim hoc
dogmate in ecclesia excitasse, verum
antiquissimum hoc Theologorum est
inventum; crambem igitur bis coetam,
quod ajunt, Ecclesiae obtrudere, si-
gnum insolentiæ ac inquieti animi est
luculentissimum. Poireti quoque amo-
re ac Burnetii Philotophorum, eum

horrenda hæc opinionum monstrâ introduxisse largimur, nam hos, moderni Novatores non amant solum, sed dogmata etiam eorum tuentur. *Origenianos & Anabaptistas* quod attinet, luce meridiana clarius est, eos his errorum barathris involutos esse. De illis, qui nomen suum, non ab Origene, Adamantino alias dicto ac scriptis claro, adepti sunt, testatur Augustinus, citante Fridemanno Bechmanno (e) quod decuerint pœnas improborum, imo ipsorum diabolorum, que alias in scriptura æternæ dicuntur, habituras esse finem. De his vero ex Gastio (f) colligimus dixisse eos, futurum esse ut diaboli ac impiorum liberentur: quam ob causam in Augustinæ confess: Art: septimo decimo damnantur. Dicatos Philosophos si relpicias, parem & animum & calamum habent. Poiret enim in oeconomia divina idem urget. Burnetium qui viderit, de nova terra ejusque narrantem incolis, confessim nobis-

(e) *Heresiographias* p: 60:(f) l: 1: *de erroribus Catabap:* p: 62:

nobiscum fatebitur, hinc Novatorem
 nærias suas mutuatum fuisse. Vel ex
 hoc, non aliam magis Novatorum mo-
 dernorum dogmatum definitionem ve-
 ram esse, poteris colligere, quam Ortho-
 doxi nostri tradunt, nimirum, *quod col-*
lubies sint subtilissimarum heresum. In hæc
 nos DEUS terravit tempora, ut con-
 tra tanti quondam nominis Theologum
 calamum stringeremus. Ah! dolemus,
 & sine summa mentis anxietate, non
 possumus præsentem Ecclesiæ statum
 nobis in memoriam revocare. Christus
 autem Ecclesiæ Suæ Caput, Tutor ac
 præsidium servet eam, ne portæ in-
 ferti unquam prævaleant illi! Quo ru-
 unt nostri homines, cum sacram Scrip-
 turam detorquent, & symbolicos libros
 tanquam minime necessarios, non re-
 iiciunt tantum, verum improbant quo-
 que? Sana olim mens erat Episcopo
 Arosiensi, B. Laurelio, cuius verba in
 agone mortis ita sonantia, supra
 laudatus B. Normannus in Collegio con-
 tra

tra Novatores adducit: Jag erkän-
ner för een särdeles GUD Nåd/ at
GUD har tagit mig till sin Tjenare/
och icke tagit sin hand ifrån mig. Jag tac-
kar GUD som ledt mig uti sin san-
ning; ty iag weet at iag intet med
mitt samvet/ hwarken wjd Acadé-
mien, eller uti Stockholm/ eller här
uti Stiftet/ har bracht någon lära på
hahn/ som strider emot den H. Skrifft/
och NB. våra libros symbolicos. cujus
effati ut semper nos maneat custodia, ro-
gamus: Spiritus Tuus, Domine,
bonus, ducat nos in omnem
Veritatem!

SOLI DEO GLORIA.

